

## **Universitätsbibliothek Paderborn**

### **Instructio Practica ...**

Unà cum Rubricis ejusdem Missæ brevibus Notis illustratis

De SS. Missae Sacrificio Juxta Ritum Romanæ Ecclesiæ offerendo - Unà  
cum Rubricis ejusdem Missæ brevibus Notis illustratis

**Lohner, Tobias**

**Dilingæ, 1676**

Tit. XIII. De Epistola.

[urn:nbn:de:hbz:466:1-48307](#)

**Commemoratio**, si Missa dicenda est de Festo illis diebus oecurrente, excipe Festa primæ Classis, in quibus nihil dicitur de Vigilia. **Tertia est**: Quotiescunque Missa de Sancto, qui est Titulus Altaris, in ejus Festo & Altari dicenda est, semper fieri debet Commemoratio illius, de quo Officium aut Commemoratio est facta.

**III.** Si plures sunt Commemorationes faciendæ, tum si sunt ejusdem Classis, servanda est dignitas Orationum, ita ut de B. Virgine ante Angelos, de his ante Apostolos, & sic deinceps fiat Commemoratio. Si duo simplicia occurunt, quorum unum sit commune toti Ecclesie, alterum particuli-ri duntaxat, tum illius ante hoc facienda est Commemoratio; sicut & Commemoratio pro Defunctis penultimo loco fieri debet.

*Ritus Solemnis.*

**I.** Quando in Festo secundæ Classis Festum aliquod Simplex occurrit, nulla in Missa solemni de eo Commemoratio est facienda, etiamsi ea in Laudibus Officij sit facta Rubric.

**II.** Si Missa votiva quæcunque solemniter cantetur pre gravi, nulla in eo etiam Festi currentis Commemoratio est facienda: Neque in Missa pro gratiarum actione, quia unitas Orationis spectat ad solemnitatem.

**TITULUS XIII.****D E E P I S T O L A.***Ritus Communis.*

**I.** **S**Emper dicitur, voce alta, & manibus super librum, vel super Altare positis, ita tamen ut palmæ librum tangent. Rubr.

*Ritus Solemnis.*

**I.** Etsi Tamburinus l.2. c. 5. §.2. & Sanchez l.2. cons. 2. tr. 13. apud P. Gobat n. 759. putent præstare, ut Epistola audiatur, quam legatur, & Dian. p. 2. tr. 14. reg. 43. negat. Celebrantem ulla lege ad eam legendam obligari, maximè cum nec Cæremoniale Episcoporum Epistolam legi jubet.

sed solum Graduale, & alia, quæ sequuntur, recitari præcipiat; quia tamen ipsæ Rubricæ o. 2. tit. 6. n. 4. expressè monent, ut Celebrans eam legat, & id ipsum etiam consuetudo recepta confirmat, rectius facturus videtur Celebrans, si tali consuetudini se conformet, maximè si Episcopus aut Prælatus non sit.

II. Lectâ Epistolâ, & alijs, quæ sequuntur, exspectat, donec Subdiaconus veniat, cui flectenti manum deosculandam super librum offert, & postea benedictionem impetratur. Omittitur tamen hæc benedictio in Defunctorum Missis; non tamen in Missa coram Ven. Sacramento exposito legenda, in qua manus Celebrantis osculanda est, licet alioqui in tali Missa oscula manus omitti jubeantur. Ita Gavant. p. 2. tit. 14. num. 10.

III. Quando Celebrans cantat Missam sine Diacono & Subdiacono, Epistolam cantat aliquis Lector superpelliceo indutus, qui in fine non osculatur manum Celebrantis, nec benedictionem petit, uti Barth. Corsettus p. 1. l. 6. notat.

## TITULUS XIV.

### DE GRADUALI.

#### Ritus Communis.

I. Emper dicitur, præterquam in Sabbato ante Domini-  
cam in Albis, & reliquo tempore Paschali, cujus loco  
tunc dicuntur duo Versus cum suis *Alleluia*, ut habetur in  
Rubricis p. 1. tit. 10. n. 2.

II. In Missis de Ferijs in Adventu omittitur *Alleluia* cum  
suo Versu, sed non in Votivis, quæ dicuntur eo tempore. Ga-  
vant. p. 4. tit. 17. n. 11.

III. Si infra Octavam Paschæ dicitur Votiva privata,  
vel solemnis pro re gravi, non debet in ea dici Graduale, quia  
hoc tantum illi Octavæ convenit. Debent ergo dici duo Ver-  
sus cum *Alleluia*, sicut reliquo tempore Paschali. Gavant. l.c.  
num. 12.

IV. Tractus non dicitur in Feriali Missa à Septuagesima  
usque ad Quadragesimam, quando repetitur Missa Domini-  
cæ; dicitur tamen in Votivis, quæ eo tempore dicuntur. Ar-  
naud. Tract. 1. p. Tit. 10. n. 2.